

巡

臺

錄

巡臺錄卷下

摺覆海疆

竊本道接讀憲諭并發抄摺六條飭令本道查明應
詳稟者詳稟應舉行者舉行仰見憲臺籌畫海疆勤
求治理刻以教養民番為念本道身任臺疆凡有關
於

國計民生者無不悉心體察殫精竭力期有裨於地方
惟是才識短淺仰蒙憲臺不時指示俾本道得以遵
循今除教番禮義廉耻不許紋身鑿齒二條現已通

飭另行具詳其靖難之義民節婦一條飭行府縣查覆另報並不可行三條現在逐條聲明開列上呈憲鑒

第一條北路應作何開墾應否立縣等因查臺灣荒蕪埔地業荷憲題招民開墾復奉檄發籌酌八則下詢當經本道同府廳縣逐條脩細議覆各在案至于彰化縣起北至大鷄籠山止延袤約有五六百里然自後壠以北山水交錯依山則多係沙石靠海則悉皆鹹鹵間有平洋曠

埔如中港竹塹南坎八里坌等處久經業戶開墾成田陞科完課其後瓏以南即係大甲西牛罵沙轆等社內有可墾之地亦經民番開墾茲三社剝廢田地入官所有未墾地埔現在飭行設法開墾或招民承買或佃墾賃租外其餘荒蕪之地北路一帶約止有三二萬畝業經議覆示到自可盡闢無庸另行設法至所謂曠野五六百里盡為沃壤者非得之傳聞即屬之遙望未曾親履而逐處踏看也本道于雍正十年冬

北巡時曾與尹守同行初見亦覺寬曠無涯及
細為講論並於各處履看不能開墾成田者居
多矧漳泉之人搜求利藪無處不到豈肯視數
百之膏腴棄置不向番黎墾墾者哉即此知其
所言之未盡然也再竹塹一社係北路適中之
區已設有淡水同知駐劄于此現在蓋造城垣
衙署該同知不日移駐又有添設巡檢二員一
駐竹塹一駐八里坌分頭巡查足資彈壓毋庸
更設縣令致滋擾累

第二條教番禮義廉恥等因查臺地土番質本愚魯習復怪異所云禮義廉恥從前茫然不知自入版圖歸化深沐

皇恩教養憲德撫綏邇年來頗識尊卑之分粗知拜跪之儀本道初履斯土即刊刻短歌諄切誠諭令通事土官講明規以廉耻導以禮義凡男女婚娶務遵父母之命媒妁之言毋仍惡習淫風恣行苟合復飭廳縣延請社師教化番蒙讀書識字遵漢人之制行漢人之禮當經于上年三月內

摺稟在案復奉憲

題設立社學檄飭力行講明

聖諭廣訓現在淡防廳所屬各社立社學五處肄業耆童
四十一名彰化縣設立社學六處肄業耆童三
十六名其餘各縣亦現在料理奉行今奉憲諭
又轉行實心實力次第引導漸可俗易風移再
查縣令事繁而臺地各學因士子寥寥當日止
設教諭一官今

聖天子作養人材人文蔚起蒙憲

題廣籍之人准於入試故又加訓導一員然海外不比
內地終屬事少請將訓導一員除該學一應事
宜令其照例與教諭同辦外將所屬縣番社社
師聽其約束查察不許怠惰虛應故事該縣每
季考察一次如果能改一社之陋習報明本道
社師給以花紅酌增束修訓導予以紀功功多
議叙番童之勤學者給賞銀牌筆墨以示鼓勵
如堪考試再行詳

題其淡防廳本未設有教職即令彰化縣教諭兼理其

白番麻踏仍即令該縣督率通事土官曉諭如
能改易亦報明本道酌量獎勵不遵者懲治如
此則鄉語易省番俗漸淳漢番無彼此之分煥
然有一道同風之美現在具詳合併聲明

第三條靖彝義民當彝等因查開徵揚曲乃崇德
報功之鉅典彰義明節是勸善立懦之休風前
年南匪北番作惡被害男婦人等本道前出巡
時設場建醮超度亦曾諭廳縣查稟未經查有
確實今蒙憲諭復飭行該府廳縣速行確實挨

查詳開事寔情節造具冊結送到即詳請
題旌以彰節義以慰幽魂

第四條禁番紋身鑿齒等因查土番既導之禮
庶恥必當除其陋習惡俗如張耳刺面鑿齒缺
身男女赤身露體殊異觀瞻本道甫經到任即
行勸諭令其冠服衣裳以學漢民之規矩屢禁
其披髮圍耳鑿齒紋身繡面之惡習弓箭錄石
等械毋許攜帶隨身刊刻勸番短歌遍貼各社
曉諭責令通事土官不時講明開導俾漸消其

汚俗之習而潛移其氣質之偏業于上年三月
內具摺稟明憲察在案後頻行告誡禁止現有
數社番黎上衣下袴束髮完膚遵行有效今蒙
飭諭復飭廳縣令土官通事多方禁戢其番童
入社讀書者亦責令談學訓導談社社師一體
訓誨查考獎勸之法同前而白番麻踏仍聽談
縣督率通事土官勸諭勸懲之法亦同前將見
陋習漸除教化興起共成淳朴之風現在具詳
合併聲明

第五條修理橋梁道路等因查架造橋梁修葺道路實為便民利涉但臺地沙土浮鬆非與內地可比即平時往來道路之寔地每遇霖雨崩陷為坑如雍正九年間彰邑地方曾經修葺道路堅而且厚迨至次年春即被水衝陷此不能修葺之明徵也況北路一帶有傍山沿海中道三路南路一帶有傍山沿海二路若遇冬成水涸直道平坦堪行如係夏秋霖雨水積之時行旅往來公文飛遞俱由沿山一路行走里數相同

並無繞道踐害田禾之苦亦從未聞有陷溺之虞至于橋梁尤難架造臺地溪河甚多水流靡定一遇淋雨漲滿東浮西陷南傾北填如北路之鐵線橋鹽水港橋笨港橋悉係孔道之衝年有溝缺衝壞旋倒旋修是以南路之淡水溪北路之淡水港深濶之處已飭該廳縣各設渡船三四隻其餘窄小者亦有竹筏小艇濟渡行旅未嘗有沉沒之慘至于大甲以上溪河旋繞皆係卵石即船亦不能渡何能架以橋梁所幸近

海雨住稍晴水即消退行人往來並無沮滯茲
若行修理橋梁道路枉費工力究無寔濟應毋
庸議

第六條廣設船隻貿易貨穀等因查淡水一隅處
臺灣極北之區離府寫遠所產者不過鹿肉皮
張水簾通草等物為利甚微所需者無非農具
器用布疋等項行銷有限是以前設廣船三隻
貿易去歲又詳明添設一隻裕課便民已屬盡
善蓋緣多設船隻恐啓偷渡越販及夾帶違禁

之弊端現在額設四隻已足通商茲以南坎以上淡水內港等處穀價甚賤以有用之物置之無用之地不拘部頒所限俱聽商民往販似屬以有易無之舉然不知談處業戶每遇收成之後頻用澎仔等船運載來府源源接濟內地未嘗有壅塞不通致穀價如許之賤至于無用之地者若夫需用器皿襍物亦由府治載往貿易何嘗有重價無處購求及需銀缺乏之苦如聽在省在廈殷實之人不時往販是欲不由鹿耳

門掛驗任出任入查福州之閩安興化之涵江
泉州之安海均可直抵淡水在業戶利其省運
府船脚之小費保無夾帶偷渡之大弊乎而與
當日設口稽察不便多開港口之深意相悖况
簾勛鹿皮等物產自內山皆係生番出沒之所
若聽令民人公然入山抽簾吊鹿貿易營生匪
特犯越界之禁而戕殺多事不勝其數其廣開
額設船隻應毋庸議

以上六條本道因地制宜擬定抒議伏祈憲察

至于臺地一切蒙憲臺日夜籌畫悉皆盡善盡
美設施並無不周文武並無未脩况有治人無
治法惟望憲臺時為訓示文武各員寔心寔力
各盡各職庶地方日漸淳良而海疆獲安寧之
福矣

嚴禁捕館

照得捕役之設原以弭盜安民茲本道訪聞臺屬各縣設立鷹捕里捕皆係一種流氓棍充當復設立公所名曰捕館又招集無賴棍徒為爪牙名曰幫捕每聚一處如狼似虎凡有正寔盜賊通同窩隱賄放少有一拘獲之人惟各處捕風捉影亂拿平民並曾經捕案今已改過之小竊不稟官長擅行鎖禁捕館恣意勒索銀錢有則釋放無則禁餓甚至酷刑恐嚇不廢不休是設捕原以緝盜保民反為庇盜殃民之害殊堪

髮指除差役密往各館查察并通飭各縣查明折逐
外合行示禁為此示仰臺屬各捕役并鄉保管甲人
等知悉爾等捕役務湏洗滌肺腑痛改前非一切捕
館如係自蓋者立行折毀稗貨者立即退還各宜嚴
緝正盜真贓解究凡有拿獲各犯之時即行稟明縣
官查訊重則監禁輕則發保不得仍前私館擅行拘
禁如有不遵一經發覺該管官即行詳奏捕即立拿
杖斃決不姑徇爾鄉保管甲人等自示之後如各該
鄉保內有前項不法捕役所設捕館或賃居房屋或

自行起蓋務即查明赴轄具稟以憑拏究倘敢通同
窩隱不稟任聽設館鎖禁平民覺察之日一體同坐
斷不輕饒本道言出法隨各宜凜遵毋致噬臍莫及

散帖請會

稟者臺灣孤懸海外五方雜處奸良不一官斯土者
須當時刻留心訪察杜漸防微庶奸匪不得潛生滋
蔓也茲本道於五月二十五日訪得府城內有阮泮
林冲宋恩三人散帖邀會即密差的役拿獲阮泮林
冲並搜出會帖四張上書唱蘭亭會并各出銅錢七
百文字樣隨會同臺鎮率同臺府訊問起意同謀等
緣由據阮泮等供起意係阮泮同謀即係林冲宋恩
共散過帖有十餘張緣小的等俱係興化人在臺做

小生理因人數不多請酒聚錢欲存為鄉鄰中公事之用蘭亭之名是取興化蘭陂之意並不敢結盟拜把作祀法之事等語本道再三究詰寔無別情阮泮等邀人聚錢雖與結盟拜把者不同但散帖立會亦屬不應況臺地初平漸不可長隨會商巡臺鎮將為首之阮泮林冲各重責枷號示衆滿日逐水未獲之宋恩獲日一體發落其餘十數人現在飭府差拘俟拿獲訊明分別責逐安插以儆將來因事尚在未成所以不便具文申報合將訪拿訊供發落緣由稟明

憲察

稟請官眷

稟者臺灣府知府尹士俚在臺五載文武和協辦
妥當本道前為地方起見是以稟請協辦臺灣府
蒙憲臺具

題奉

旨補授誠造就之鴻恩也但協辦正任為期計有三年
久該員年已四旬有餘現在無子憲臺體恤屬員
所不至可否邀恩

入告准其買一妾過臺以育子息則該員更感激

天恩自當益加奮勵也抑本道更有請者臺地民人已蒙
皇仁准其搬眷惟臺地文武各官俱孑然一身在憲臺有
有深心本道何敢置議但向所謂建城垣搬民眷之
不可行者今俱准行矣本道到任以來見臺地各官
雖勉供職而中心寃不無內顧之憂可否照民間
之例具

題准其妻子過臺則臺地各官無室家之慮以分其心
愈當竭力報効且其中之無子者亦可以啓裕後人
海外臣工更戴

皇恩惠德於無既矣

入山採料

談本道榛蕪之下自愧不能料理盡善致費憲表今
蒙下詢敢不悉心籌畫以贖前愆以副憲命查臺灣
水性熾熱蚩虫最多厚力一樹多產鳳山其性辛其
肉堅故自設廠以來凡脩造戰艦悉用是木為水底
一以利其板片堅辛蚩蛀難入一以利其產自本地
可立取立應不患稽遲誠如憲諭內地辦運重洋險
阻萬萬不能者也伏讀憲臺卓見欲將應用船工木
植令督理船廠之官逐一開明長短尺寸圍圓派一

巡檢或典史全本汛千總先與通事令其入山與番人講明何等木料若干給何等賞項若干運交一宗木料即全所派文武三面交給一宗賞項令番人親自領回可沾寔惠洵為有益軍工保全民命之善策但查船工木料內外俱要堅寔長短務求合式生番寔在不諳斧斤又未能相木取材且其性亦不願得此勞苦之利若徒委之於彼恐致轉有貽悞本道謬叅末議似莫若於產木之社擇番性頗良者即委該寔通事為匠首令其招募誠寔小匠數名照例開報

花名清冊發縣會營給與腰牌仍于小匠中擇一善
能相木者與通事為幫理復買備番物照憲諭委巡
檢一員千把一員協全該通事小匠入山看木與番
議明量值給番賞項在通事熟知番性自然得番之
心在生番無砍運之勞又有寔得物件莫不欣從如
遇廠料緊迫之時即可飭該員并催該通事督匠辦
應當不至遲悞生端至紅柴旋舵等木出在謝不並
與大龜文等社查此兩處雖屬內山但歸化日久與
熟番無異自辦料以來並無生事其含檀鹿耳樟木

昔料多出于諸邑內山校舵亦有時採之彰化外山
取辦以來亦無生事照舊着誠寔匠首同該社土官
通事脩物與番貿易亦委員弁監查更為妥協仍不
許匠首攜帶閑人入山亦不許庄民冒匠私入如巡
典千把不寔心查辦揭咨斥革徇私舞弊者揭恭究
問如通事匠役辦理妥協巡典千把據寔回明官廠
之員從優獎賞如奉行不力者治以大法巡典千把
辦理有效地方寧謐者詳明分別記功拔陞如此行
之似于民生軍工兩有裨益本道再查鳳邑地方沿

山四百餘里界內已盡開闢林木無存臺屬之小商
船與有底無蓋之漁船共計不下三千餘隻而臺屬
居民不啻幾萬家城鄉民屋灣港船隻以及糖廊車
輜年年需材莫不取給於山且民間火柴日用必需
即使軍工不需木料而百姓蓋屋修船建廨造車與
日用火柴之類安能缺少勢難絕其取用况臺灣諸
物倍貴內地又有嗜財之徒見利忘命輕生深入者
乎惟有嚴加禁止并飭令該汛地文武不時查逐懲
治而已緣奉憲諭本道據臆直陳並不敢游移而可

是否有當伏乞憲訓遵行

詳報耆童

該本道查得臺屬一廳四縣造到管轄社耆計共耆童三百名但本道一時不能親歷各處查察隨就近傳到臺灣縣管轄之耆童面加考試皆能恭誦

上諭背書寫字而字跡亦頗端楷且衣冠拜跪悉遵漢民規矩果有一道同風之盛除捐資照廳縣冊分別各賞給社師耆童花紅紙筆墨外合將繳到清冊條文詳送所有臺灣縣儒學訓導薛雲不辭勞苦勤督教化可否邀恩記功一次以示鼓勵伏候憲臺察奪至

北路之諸羅彰化淡防廳各處已飭臺灣府于此次
奉檄賞番時順便查考其鳳山縣俟本道前往南路
巡查親加考驗果否勤惰統於下季考察文內聲明

靖難義民

該本道核查得臺灣府義民高登懷陳正學黃自達
等守分躬耕見危尚義一呼響應隨軍拔幟以登山
衆志成城奮勇捐軀而冒敵毅然烈氣甘心視死如
歸慰爾忠魂崇德且膺卹典茲據該府廳縣呈繳冊
結合就據移

番婦節義

竊本道據詳番婦大南蠻性含薑桂節凜冰霜鏡破
寫分天志栢舟三十七載心堅鉄石婦道無虧五十
六年且事公姑以孝順教子孫以義方似茲甘心向
義屬在民婦亦所難能苦志靡他出於番族更為罕
覩皆緣

聖化廣被憲教覃敷以致黃鸞遺風見於海外番社亦由
該縣平昔化導有方之所致也甚可嘉尚仰臺灣府
飭候詳請

題旌以昭

雅化

具稟飭換

該本道查得綏字四號一船前屆在福廠折造新換
桅木歷今三年方屆小修驗其桅頭之孔桅身砍傷
三處該弁所稟非虛然俱係在山當日本有之痕察
其砍傷原委蓋因樹主知為良材堪作桅料恐官買
不得多價故於無關之處砍破樹皮以示其不堪用
也但傷在木皮而無深入桅頭之孔夾在鹿耳之內
俱無害于事是以前屆福廠監修之員全該營管駕
隊目選擇而用今該船修工將竣本道會全臺協將

原桅細行查看果係良木惟桅尾鑲幫之內木皮注
水處稍有微朽即令船匠削去朽皮仍然堅固寔屬
堪用然所用原桴乃係椽木恐不耐久本道不惜重
費將購到桅材三七開作兩片將七分督匠製桴欲
配該船之用時把總陳捷與管隊龔春均稱堪用詎
知該把總管隊是何意見又稟伊營主詳移換新獨
不思小修無換桅之例即有不堪亦當照估報六十
六隻案內藩司議詳或小修而桅已損壞者該營于
駕廠之先報明提鎮移會憲臺及藩司于工料之外

量增桅價以給廠員換豎新桅方可預領購備查該
營先無報明則桅之堪用可知不應於修工將竣方
以舊傷為嫌膠執勒換况桅經臺協驗明是配堪用
無可疑議者乎至大修寧字九號原桅據看修把總
陳捷全管隊江清稱原桅堅實自願配用本道照依
製配完固孰意臨豎之頃又捏稟不堪必勒換新致
澎湖詳鎮移咨到道本道再令該弁目細驗又曰堪
用始將原桅配豎似此一桅忽而堪用忽而不堪又
忽而堪用反覆三次方得豎起則綏四原桅不問而

知其堪用也明矣本道承修船案深念戰艦為重務
且係官兵托命之具用料必加斟酌應換則換應留
則留務期有裨軍工不致虛糜庫帑而後於心乃安
即如綏字七號亦屆小修之艘查該船前年遭風失
去桅舵奉文飭令自行購換經營報稱差弁往廈購
買新桅新舵運廣于十年四月初四日製配初九日
完竣五月十三日回汛經准布司移稱前船桅舵已
據該營自行購換完固無庸更換在案本道驗其所
購桅舵寔屬朽爛不堪不敢拘定成例隨令該營弁

目自選折造綏九之良桅配豎又綏字六號全屆小
修原桅亦壞查將拆造寧三之桅多用匠工製幫配
換業將配豎交營情由于戰船奉公遭風等事案內
移司轉報在案均是全營小修之船何綏六綏七二
桅俱行換給而獨斬綏四一船不換蓋為綏六綏七
原桅不堪綏四之原桅果堅寔堪用故也茲該船已
經完竣因該弁目指勒不用此桅廠中又無額外之
桅可換以致擱延莫能豎交合亟詳請憲臺察奪批
示遵行

酌改船船

該本道查得修造戰船之法定趕繒船龍骨每丈配
含檀濶三尺蓋以面濶底深身長利涉外洋也船船
龍骨每丈配含檀三尺三寸蓋以面狹底淺身短利
駛內洋也揆前人立法之深意以外有趕繒內有船
船內外接應緩急相通遠近咸宜各適其用也茲澎
協船船一十三隻營移請照提督奏請龍骨每丈配
含檀三尺六寸之法更改是船船之濶深皆與大趕
繒船同而長各皆減丈餘如緩字十五號船現長五

丈四尺濶一丈三尺八寸今照營冊再加濶二尺七寸六分共濶一丈六尺五寸六分與中趕繒平字八號船同濶查平八長六丈四尺該船僅長五丈四尺濶同而長減一丈又緩字十一號船現長六丈六尺濶一丈七尺五寸今照營冊加濶二尺六寸六分共濶二丈一寸六分比大趕繒船平字二號更濶矣查平二長八丈一尺該船僅長六丈六尺濶加一寸六分長減一丈五尺又緩字十二號船現長六丈四尺四寸濶一丈七尺五寸今照營冊加濶二尺四寸八

分共濶一丈九尺九寸八分比大趕繒船綏字一號
同濶查綏字一號船長八丈該船僅長六丈四尺四
寸濶同而長減一丈五尺六寸其餘十船照依營冊
尺寸更改其濶深悉與大趕繒船同而長皆減丈餘
若此十三隻船必照營冊更改方為長濶相配則
五十餘隻趕繒船盡皆過長似應截長以配濶若五
十餘隻趕繒船之長濶相配則此十三船之濶深似
不宜加二者必居一於此焉况船船之設原為港道
紆淺趕繒船遇潮退不能出入故製船船以為退潮

涉淺之用今若加濶加深似非艤船又非趕繒恐內
港不能涉淺外洋不能破浪將欲何用所關非輕本
道職在承修若加濶加深自必增價非憂累憚改特
以前文有檄令本道將應否改造之處妥議通詳等
因若不議詳遽行更改後來各船濶不配長艱于駕
駛營員詳照舊式請改雖庫帑自有攸歸而明知不
言之咎本道實所難辭合將十三船更改與趕繒船
同濶減長之處逐船註明造冊同確估十三船更改
加濶加深工料冊一併妥議詳請憲裁如必當照營

冊更改伏候批示遵行

人才倍盛

看得臺地人文蔚起膠庠已六倍於當年額俊登庸
中式仍一名而定額則今昔無分多寡棄取寔屬偏
枯茲據臺灣府知府尹士良議詳酌請廣額共八名
本道覆核似屬過多酌共廣額三名連舊額一名共
四名殊為允協蓋文場入彀惟在胸中抱負以塞赤
幟之旗而廣額搜羅咸思進取有階庶免遺珠之憾
伏乞憲臺

題請加增副

聖主立賢無方之至意廣開文教遂諸生有志上進之微
忱則海疆士子均沾雨露之恩而拔茅連茹益收得
人之效矣再本年係值鄉試之期伏祈憲臺迅賜
題請俾海外士子得以早被

皇恩感戴憲德尤靡涯矣

勸捐社穀

該本道核看得士民捐穀已屬閭閻休風。當社樂輸實為海外美舉。本道前據淡防廳詳稱大甲東等社。畚目直加難等捐社穀三百一十石。業經轉詳在案。茲據臺湾府詳稱臺鳳諸彰四縣各屬社。畚樂捐社穀共五百二十一石二斗。前來本道查各社畚黎踴躍爭先。乃誠中而形外。輸將恐後。本一道以同風皆緣

聖恩廣被。俱各好義。趨公憲教。廣敷莫不聞風興起。除批

照該府前議收貯大加獎勵外似茲盛舉出自番社
從未有聞理合轉請憲臺可否

題旌以昭

德化所有各屬社番捐穀冊已據該府徑送毋庸重複
繳送理合聲明

建坊樹德

竊本道三載臺疆宣布

皇仁憲德年來各社耆黎咸知尊

君親上有飲和食德之風革面洗心具懦立頑廉之志皆

由

聖恩廣被憲教覃敷之所致也茲據該廳報稱大甲東社
耆目直加爛等欲為本道建坊立石披閱之下具見
惻誠但查各耆於去歲恭祝

萬壽往返重洋捐貲社穀幾費經營况甘棠無樹可留碑

石何能載道亟宜諭止毋任舉行實本素心良非虛
語也仰廳轉飭遵照毋違

特行勸墾

照得裕國必先於富民富民莫大於闢野若野無曠
土則民用恒舒倉廩因此而盈兵精亦藉此而裕是
以從前欽奉

綸音頒詔勸墾今又特奉院憲嚴諭招耕其為富民裕國
計數且切矣本道查臺鳳諸彰四邑並淡防一廳雖
漸次舉報開荒然未墾之地尚多寃其不墾原委有
小民無力者有業主互爭者更有地屬番界欲墾而
不得者以致肥沃之壤任其拋棄甚屬可惜除嚴諭

該府廳縣留心區畫實力勸勉外合行示曉為此示
仰所屬士庶人等知悉爾等有從前請荒因彼此爭
界致未開墾者許照前請四至各執赴縣指稟勘明
定界立可招耕如有無力開墾者不論業主小民許
爾赴廳縣借給牛種籽粒收成之後照數還項或有
無主荒地果查詢確實准即赴廳縣稟墾倘地屬番
界可向該社通事土官會同番衆指定界址或銀或
物議定若干務使衆番心願立契成交貼與番衆然
後全通事土官賣契赴縣投稅立界請照開墾照同

安則例陞科之後除去社餉苟非熟畝界內之地則不便妄請至于前項無碍荒地度其可田者田可圍有園必須因其地之所宜毋使棄沃壤于荒蕪庶田野闢而民用足方不負

聖天子與院憲諄諄勸墾至意各宜凜遵毋違

請飭嚴查

竊照臺灣一郡島峙孤懸南北綿亘千有餘里東依
深山西臨大海而本省與粵省之人民接踵至止雜
處其中莫辨奸良遂致匪竊時發且海外地土鬆泛
居民房屋多係編竹為籬盜賊更易行竊本道初蒞
臺疆時先嚴保甲于匪類盜賊首加痛懲除應詳候
憲示者候批遵行外仍嚴飭廳縣查拿案盜解審親
加訊驗按贓輕重行盜次數若單身赤棍照例枷杖
刺字逐水仍行取該原籍地方官安插收管或生長

臺地有父母妻子繫累無籍可歸者亦分別刺字掛鈴在于本地朔望跪牌聽講

上諭仍立定限予以自新再飭廳縣一有報竊之家先將稽查不力之該管鄉保捕役重責并行解比務獲贓盜其盜賊應刺字逐水者仍解本道驗明逐水應刺字掛鈴者亦驗明掛鈴即匪類不良之徒有犯必懲應逐水者亦脩文逐水立法以來宵小亦頗知歛跡矣但改惡從善者固有其人而愍不畏死之徒亦復不少凡經逐回原籍者仍有偷渡來臺期滿掛鈴者

不無復蹈故轍非挖欄盜牛即割籬偷物甚至乘間
為匪貽害地方良非淺鮮揆厥所由固因本管地方
官稽察之不力亦由原籍地方官收管不嚴之所致
也本道身在地方不得不為籌畫除現在督令各廳
縣嚴查保甲實力奉行查拿分別懲治逐水期於盜
息民安如或縱盜殃民姑息養奸立即揭叅外伏乞
憲臺飭行內地所屬各州縣并粵省惠潮二府之各
縣凡有臺地脩文逐回賊犯以及匪類取具族隣保
甲安插收管結狀於朔望點卯不許外出並飭泉臺

兩防廳于船隻出入口岸留心稽查庶盜匪不能復
潛海外地方可保寧謐矣

特籌勸墾

查臺屬荒埔尚廣各處居民多

力者固不乏人而貧窮無措之戶比比皆是則徭
示開墾牛種籽粒無所從出勢必坐視仍然拋棄雖
有公項堪以借給而地廣人衆恐難為繼茲本道仰
體

皇仁憲德為

國為民勸墾諄諄至意隨倡捐銀三百兩以助貧民農
本之需即檄發臺灣府酌量分發各廳縣遵照出示

曉諭凡有請荒正實無力貧民許其赴該承給衙門
具領買備牛隻農具籽種及時開墾勿使別處花費
亦勿使該廳縣胥役捏飾扣剋再紳士富民中或有
好義樂善之人情願捐資報墾者計其數之多寡詳
請

旌叙以示鼓勵以勸墾舉該府督同廳縣須實心實力
倡率勸導以收實效仍將勸墾頃畝發給資本各花
戶緣由不時具文報查正在檄發間節據府廳四縣
陸續報捐前來統查本道並府廳縣通共捐銀一千

三百兩粟七百石合就具文先行詳報再臺地紳士
現在踴躍樂輸人民亦接踵報墾俯俟各廳縣報到
另文呈報合併聲明

權吏枉民

審看得監生陳國輝控告宋瓊等謀番奪田一案緣
國輝之兄陳贊于康熙五十二年用銀五十兩契買
大突社番孩斗里等本社西北勢荒埔一所及贊故
國輝承管越二十年並未照臺例貼納社粟至雍正
十年始報出陞科田十甲五分計一頃十五畝五分
其餘有已經開成田園者有未經開成者迨于十一
年孩斗里等見從前所賣草地頃畝過多四至廣而
價極輕又未議及貼納社粟遂赴彰化縣以欺愚強

估等事具告國輝經前任彰化縣陳令查訊所執契
內未載有貼納社粟又無土官圖記隨以為假契斷
令原價取贖餉銀移入孩斗里名下輸納而陳國輝
不願領銀適因前察院栢北巡孩斗里等沿途赴控
隨批彰化縣查報該縣錄案呈詳仍批照斷令陳國
輝領銀還業各番以察院批定即招林華宋瓊吳振
綸等承贖立契公議正價銀六百兩並貼社粟將業
付管國輝以田已開成將半不肯輕捨隨赴憲轉以
權吏枉民等事具控蒙批本道查報遵即行縣提犯

并飭該縣將所爭田內已墾若干未墾若干不堪墾者若干共有若干親行丈勘明白繪圖帖說連人解送去後因國輝尚在內地未回至四月十六日到臺復往彰化縣指勘田畝于五月初八日據該縣丈勘明白繪畫圖形開造清冊并將一千犯証人等批解前來除宋瓊李文輝李初豪故問等業已物故外本道就現犯細加研訊驗明契券查閱圖冊其陳贊當日所贖之契原無假偽但以當日之草地甚廣番性愚昧陳贊僅用五十兩之價而即贖六千畝之埔又

無貼納社粟近來番黎知識漸開各不甘心及驗轉
贖林華等契券內連插士埔一所共載價銀六百兩
北勢之地估銀五百兩又定載第一年貼粟二百石
北勢之地應估一百六十石第二年四百石北勢之
地應估三百四十石第三年六百石北勢之地應估
五百石以後俱照五百石按年貼納質之賣主中見
俱衆口一詞而貼納番粟亦全臺番社之通例查現
在彰化荒埔每頃以該縣前詳定價銀十五兩計集
此項埔地共有六千餘畝除不堪開墾外其有已墾

成未墾成並建房牛埔四千餘畝約值銀一千餘兩今
俱作荒埔筭亦值銀六百餘兩適與林華等所用之
價所多無幾相應着陳國輝除從前原價銀五十兩
外再繳出銀四百五十兩發還孩斗里並湊縣庫存
銀五十兩共五百兩付還林華等原價其業仍歸國
輝掌管番粟照前約估數目自今年為始按年交納
至國輝除十年報陞十甲五分外尚有一百零二甲
九分未報若非飭縣勘丈竟被朦混查臺地欺隱甚
多若不懲一儆百無以勸將來應將國輝發學戒飭

以為海外欺隱者戒仍責令即行照畝額年數陞科
其未墾處所飭令速墾呈報不得熬毫隱漏如此則
銀業均不致兩空而番黎亦有資生本道當堂明白
示諭俱各伏首稱願並無不平之鳴至于引番告狀
造供之事不惟訊之高猷黃澤泰林華吳振綸等極
口稱冤即質之國輝亦不能指實且林華吳振綸俱
因經縣判定該番招墾方敢承贖並無唆買情弊而
首名宋瓊業已病故應無庸議餘俱無干均釋歸農
所有詞外契內之蒔士埔係番明賣仍聽林華等掌

管不得借水圳復行生端合併聲明

特籌勸捐

看得俗美風淳本

聖朝之雅化博施濟衆惟仁者之居心乃有籍隸龍溪寄
居臺灣之貢生王綬家號素封心存好義觀海外之
荒蕪甚廣開闢惟殷念工本之匱乏無資鎔鍊弗吝
一聞

聖主念切民生上憲心殷稼穡慨然捐穀三千石以助貧
民農事之用似此心平樂善內地亦所難能勇於急
公海外更不易得皆緣

皇仁遠播憲教覃敷以致休風見於盛世除將所捐穀石
飭行臺灣府轉移淡防廳收貯以資撥給外理合詳
請憲臺具

題議叙以振後起以彰懿行再查該生于雍正五年在
遵

旨營田事例內由俊秀營田三頃准作貢生合併聲明

禁扣錢數

照得制錢行使毋論易貨兌銀每串扣底錢二文餘皆足數此天下之通例且錢文一律使用並無鉛錢之名邇來臺灣兌銀必須足入兌錢每串扣底錢一十四文其餘以九十八文為一百是每千錢竟短卅文之多而又攙和鉛錢數文凡商賈貿易以及傭僱工資莫不如是在富商巨賈尚可支持其傭僱貧民有限工資被攙被扣有名無實其何以堪揆厥所由皆因錢櫃作弊只圖利己不顧病民深可痛恨除密

差查拿外合行示禁為此示仰所屬軍民商賈人等
知悉自示之後凡制錢交關貴賤隨行出入每串只
准扣減串底四文串底之外務要足數不許減少亦
不許攙入鉛錢如有不法奸商以及兌換錢櫃敢再
出少入多加扣串底雜入鉛文病商害民者或被拿
獲或被交關之人扭稟依律從重究治決不姑貸各
宜凜遵毋違

嚴禁增重

照得番銀原無低潮所以便於行使從前有等不法
奸匪棍徒暗用水銀將銀加增分數每兩亦不過止
增二三分遂致商旅交關互相爭較業經本道訪聞
嚴禁在案近聞有等慙不畏死之徒仍蹈故習每兩
竟增至六七分不等遂有薄增厚增之名遍行街市
日多一日毫無顧忌細察所由皆因商民水客帶銀
來臺生理即有奸棍到行認去煎增晚夕付銀凌晨
交繳薄增每銀一百加銀三兩厚增加銀五兩奸商

水客即以分發各處糴買貨物小民運貨往賣嫌其
增重則貨竟無處可售明知為增無奈聽從接用及
欲將銀兌錢而錢舖又以薄增每兩扣至四五分厚
增每兩扣至八九分若不曲從又無可兌之處在巨
富大商已蒙暗吃之虧嗟彼貧民終歲勤動血汗交
流奚堪遭此剝削況臺地民人大半妻子皆在內地
將增重帶回家用買衣買食每兩扣折更多似此罔
法病民殊堪髮指除嚴行密訪查拿外合就示禁為
此示仰閩屬商民行家銀匠錢舖人等知悉嗣後爾

等凡有增重一概不許行使或自行燒洗或交銀匠
燒淨每兩酌給工炭之資銀匠不許刁指通行大例
總要清水原銀公平交易如再有前項奸商匠棍通
同製作仍舊行用許亦甲鄰坊保赴轉密首以憑嚴
拿照依製造假銀律例從重治罪倘知情不首發覺
之日該坊保甲鄰定治以知情容隱不報之條本道
言出法隨斷不寬假各宜凜遵毋得以身試法凜之

稟報被風

竊本年八月初九日自未時風雨大作連至十一日
卯時停息本道恐各廳縣地方田禾民房倉庫衙署
監獄城垣墩臺營房以及港灣船隻不無被損隨飛
行各屬確查情形據實飛報外仍一面分差幹役前
往沿海諭查不許居民乘隙盜折打壞船料併四郊
躡看去後續據該差役回稱郊外田禾早稻已經收
割所剩無幾晚稻尚未開花雖被風括堪以培復其
府城內外并安平鎮民間瓦房計倒塌一百零一間

半草房計倒壞七十八間海口商漁船隻被風擊壞有三十餘隻尚堪修理者居多淹死舵水三名又安平水師營擊壞平十四號哨船一隻淹死兵丁一名府城木柵倒坍計有千餘枝營房亦有倒壞等情本道再行臺澎縣確查隨據稟覆無異其營房木柵等項應即嚴飭該縣修葺但淹死之舵水均係窮梢無銀收殮倒壞之房屋俱屬貧民乏資起蓋未免有暴露餐風之苦本道隨捐資每舵水一名給收殮錢二千文每厓屋一間給錢六百文每草房一間給錢四

百文共捐錢一百千零一百文發臺灣縣散給各戶
速行修蓋毋致失所以仰副憲臺軫恤窮黎之至意
至于各廳縣民房衙署倉庫監獄城垣墩臺營房並
田禾等項有無坍塌損壞容俟飛催查寔覆到日再
報如窮民有應周恤之處已飭府廳縣酌量及時周
恤另稟恐屢忘念合亟稟聞

澄陳弊端

查茹藤皮稅年額不過四十餘金即修理府城之用
每年每縣止可取資十數兩而已彼等奸商藉納課
名色罔利病民無所不至深為地方大害況郡城業
已栽竹完竣一二年自可茂密無俟修理水城矣仰
即出示革除飭廳縣大張告示聽民自便不許開設
私館如楊以承敢於陽奉陰違私抽病民或被告發
或經訪聞立即拿究重處至今歲課銀止可令其完
納一季仍將本道批革緣由報明藩司此繳

飭議革捕

照得臺灣一郡孤懸海島漳泉二府以及浙粵人民
接踵至止雜處其中奸良莫辨盜賊易于潛藏是以
王陞守詳飭各縣設立里捕令各里中自行保舉誠
實壯丁承充月給薪米以資日食果能實力緝捕重
加獎賞如有生事訛詐嚴拏治罪此亦無非弭盜安
民之意也但自設立里捕以來所有報竊者百有餘
案究未獲一盜一贓且聞里庄保舉充當非無藉棍
徒即鄉保冒捏良善一人充捕十盜倚為長城一家

報竊十家均被株累本案正盜任縱逍遙村啞平民
偏遭詐害由此觀之是欲為斯民計衽席之安反為
百姓滋閭閻之害里捕之設果否有益合行飭議為
此仰府確查妥議如果有益自當飭緝盜賊若果有
害亟應即行革逐必作何設法區處能使盜息民安
之處該府領守全郡當善為籌酌據實議詳毋得執
泥前說致累地方速速

議覆民壯

查前募民壯內有家室在臺者亦有無家室在臺而有生業者亦有並無家室又無生業者及奉革之後俱經安插各坊里取有甘結編甲入冊在案迄今二年有奇回內地者有之改別業者有之死亡者亦有之茲奉憲諭將所裁民壯作何酌量安頓其有家室者准予取保留臺無家室者移歸內地安插如有熟于技藝而願食糧者准其考驗補伍俾免無籍之徒在海外遊手遊食等因仰見憲臺慎重地方撫綏舊

役之至意今據該府申稱從前所募民壯多係有室
有家之人奉裁以後俱經坊里長保結安業編甲為
氓並無遊手遊食之徒與熟于技藝情願入伍食糧
之人等語以本道愚昧之見如有家室在臺者應照
憲諭取保番臺如無家室而在臺有生業者或為人
佃耕或各自貿易若一旦逐回內地未免有失業之
慘可否取其管事鄉保里鄰甘結准其在臺資生倘
日後生事併坐具結人之罪如無家室又無生業即
係遊手好閑之徒雖為數無多向年未見生事然亦

不便留臺應移回內地其有願食糧者赴本籍地方
官呈明會同全城武職考驗果有漢伏可觀詳送入
伍以上均分別造冊存查庶在臺之人不至失業回
籍之輩更可進身而海外重地民無遊手遊食之虞
均沐憲恩于無既矣

遵奉憲諭

查本年二月二十五日聞有南路餘孽在烏龍庄三
叉河等處復有聚衆之舉本道隨即會商臺鎮差役
分頭密查并飛札鳳山縣錢令知會南路營侯恭將
速為確查密拿慎勿因循去後續據鳳山縣知縣錢
沐稟稱卑職查係從前餘匪林初在烏龍庄藏匿被
兵役訪聞營中帶兵圍拿未獲以致鄉民訛傳又有
豎旗之說是無確據等語又據差役回稟亦然本道
尚未敢遽信為無隨又密飭防範再為確查外復詢

之臺鎮所聞亦同因事無確據所以未敢具稟今林
初已同前匪目卯鄭祿李景寺陸續拿獲現在訊解
茲蒙憲諭下頒捧讀之際仰見憲臺慎重海外防微
杜漸至意本道身任地方敢不刻刻留心隨即會商
臺鎮密諭府縣札致各營當常以有事為念日夜巡
查不致稍有疎虞仍一面選的差密訪并飭縣加意
緝查一有萌孽即為剪除現在嚴查保甲飭府廳縣
令各鄉保于每月朔望日具結親投聲明該保內如
有匪類藏匿察出願甘一體坐罪等情報查總期寔

心奉行不得虛應故事亦勿致兵役捏覆尚有從前
餘孽現在會營嚴緝使此輩無所逃竄則奸徒知有
三尺而地方自可寧謐矣

摺覆憲批

竊本年八月念四日臺灣府尹守賡憲批該守原稟
一扣內開臺地遠處海外民番雜處與內地不同開
墾一事屢次札佈慎重辦理幸張監司與該守丞令
咸遵指示查辦協宜甚為忻喜等因前來本道捧誦
之下不勝惶愧伏思養民必資開墾原係地方官吏
之首務乃歷年以來守土之員雖俱知勉力勸導而
究未收實效欣蒙憲臺明白指示分晰布告俾本道
等有所遵循盡心辦理而該地紳士人民一時感動

天良報墾報捐源源不絕此皆憲臺教化之神所以
風行草偃一至於此除瑯嶠小琉球二處聽候司議
憲示外其田園共報墾有不足三萬畝數而官紳士
民所捐之銀共有二千四百餘兩穀共有五千九百
餘石此番查墾本道仰體憲臺慎重周詳之意總使
番民兩無偏枯業佃均受利益以垂久遠而撥給農
資亦因人地制宜不至拘執失當苟非十分穩妥之
處不敢冒昧舉行尹守北路賞番已于八月二十四
日回郡詢其一路情形俱各安靜堪墾荒埔亦明白

宣示憲德勸導其漸漸開闢不得侵入生番之界而
熟番界內亦必議明兩願而後可行民番毫無勉強
各廳縣亦均能上體憲心下恤民瘼寔心寔力妥協
奉行茲蒙憲批除再切諭府廳縣加謹查辦外為此
具稟

乞憐萬里

審看得王保母顏氏與監生王昇即王章互控爭業一案緣王昇本係薛姓之子在襁褓中為王保之祖王照抱養為子配有妻室後照娶妾陳氏生有二男長王基次王慎自是陳氏遂起兼併之意謂昇非王氏血脉日浸潤于家長正妻之前莫可如何及王照于康熙三十四年物故即逐昇外出所遺緞舖一間店屋二間房舍三間盡為王基兄弟居佔竟不量給些須王昇孤苦伶仃始而教讀繼而墾耕數十年來

陳氏母子直視王昇為路人矣幸昇克勤克儉漸積成家而王基王慎浪蕩奢侈將緞鋪花銷無存旋即兄弟相繼云亡嫡母陳氏于五十七年亦故王昇猶念養父深恩推及所親衣衾棺殮之外復代為修葺住屋延師訓姪又每月給米一石銀壹兩以供日用之需顧乃顏氏聽弟顏朝主峻志圖奪業於七年間撥姑陳氏控告臺灣縣經前令唐孝本審非公業勸斷王昇撥園五十甲為陳氏並王保母子養老畢姻度日之計在王昇可謂感恩知報者矣詎王保猶未

厭足于八年控兩察院批前府倪象愷審詳仍照縣
斷批結十一年又因搶糖被王昇呈明前府王士任
批臺灣縣路以周審詳仍照原斷指撥蚩籠園五十
甲加糖廩一張取具遵依詳批在案至十月間又向
本道呈控及批府錄卷細閱從前倪府斷撥係上園
而蚩籠乃瘠土且查縣供王保有求撥後庄仔園給
小的之語本道以前斷係上園今撥乃瘠土與前斷
稍違所以陳氏有不平之鳴即于後庄仔撥給上園
五十甲糖廩一張廩內器具齊全行縣立界不過令

工保母子稍為寬裕而王昇不致有背恩之名耳豈料王保母子恃陳氏乃風前之燭可借為挾詐之具竟于十二年春強佔王昇後庄仔房屋三間欲將王昇產業踞為己有陳氏未幾遂亦病故至三月二十六日保復邀牛婆華等硬抬昇槽以致有打折王標手骨之控也及本道行縣驗訊並催丈明分界去後據鳳山縣立界分糧取具遵依并聲明王昇尚多給伊侄王保園五甲有零修理廊器銀三十兩所佔王昇之屋俟伊祖母百日後搬移又據臺灣縣驗明王

標手骨被傷是寔移訊各在案乃王保不奪不厭竟
敢冒頂水手渡海赴憲轅抱告而王昇之子生員王
遠光赴省鄉試亦代父抱訴憲轅均奉批本道于開
訟日查報隨於開訟後行縣提齊各犯細加鞠訊王
姓並無族房可以質審而王保亦無所執憑証惟王
昇買業諸契向轉當之陳世淳等吊閱多係買與王
昇名下並王宅字樣查契內年月俱在王照已故王
昇被逐之後且原價共一千餘兩而執當之價亦無
甚多寡本道揆情度理如果業係公置王慎乃屬親

生正子何年至四十契券為掌業要據猶聽抱養之王昇執管契亦多寫王昇名下而毫不與之較量且甘受每月之幫米幫銀遲至七年始行告理乎即此可信其業之非公也况吊訊賣業之王國英亦供當日係賣給王昇等語相應仍照前斷管業毋庸另議陳氏棺柩不便久停庄內藉佔昇屋但陳氏分屬王昇庶母王保年幼又因喪將城內房屋典用在昇亦難置之不理着昇再出銀五十兩以二十五兩為安葬陳氏之費以二十五兩為府治贖房之用押王保

即行擇日安葬祖母同母顏氏等出庄移城居住一
可杜葛籐更可免瓜李王保誣告刁訟本應反坐始
念聽從母命從寬免寃但赴省不照例請照擅敢私
頂水手姓名偷渡應照私渡關津律同船戶蔡騰高
源亨各杖八十均折責三十板其原到臺未回之水
手飭縣查明杖懲押回原籍安插顏朝雖與王保係
甥舅至親情有可原但屢次唆訟法不容貸應請重
責四十板如再不悛從重寃處牛婆華寔屬無賴棍
徒雖搶奪物件未有確據而打拆王標之手骨經縣

驗明是實而王昇又指供即其下手庭訊之際該犯亦不能置辯本應照拆人肢體律治罪但據王昇供傷經平復請予重責四十板枷號兩個月逐回原籍楊程審係無干應予省釋所有車工在股基馬求梁保沈妙等俟拿獲審明分別發落具報是否允協理合粘連原奉批詞詳請憲臺裁奪批示祇遵

報明巡行

切本道因時屆隆冬欲赴南路一帶巡查地方情形
業經稟明在案茲于十一月二十一日由郡起行一
路閱看各鄉目覩民情寧帖詢之田農野老咸稱晚
稻登場統計有八分收成至鳳山縣治市肆各安生
業兵民亦兩相輯和營伍整飭城竹茂盛已有漸次
成林之象本道每至一處輒宣示

皇仁憲德勸其力行善事毋作非為又切諭不得深入生
番界內致滋事端過溪以東從放繚上淡水下淡水

阿猴武洛力力茄簾搭樓等處周行八社見其社蔡
完固社穀盈倉沿途迎接之老幼番衆及社師率領
之番童俱各冠服衣履本道先講

上諭併宣

新君恩詔俱各踴躍稱慶稽首叩首其各社番童逐處面
考或能背誦

上諭一二條或能朗讀四書毛詩朱註一節一章令其當
面寫字亦能成行端楷更有下淡水社之番童潘志
正即臘壽竟能作承題文義粗通又有力力社九歲

生番歸化

查得沙里興生番向化願歸版圖雖男婦僅有一百九十九人納貢之銀止有二兩四錢但喁喁慕義咸化歸誠寔由

皇恩浩蕩憲德洪深所致本道職任監司何敢壅于上聞
隨行臺灣府確查是否寔情取具通事社丁土官人
等妥結先行慰諭招徠以憑點驗勞賞去後茲據該
府據彰化縣申請喚驗生番席由敏等加意獎撫給
賞烟布酒食隨取具戶口丁冊并該通事土官約束

遵依轉造細冊詳報前來當批生番向化輸誠貢賦
不自棄於

聖世之外甚屬可嘉仰候據詳併給賞銀牌物件理合據
由詳請應否俯順番情准其歸化收入版圖貢賦供
役本道未敢擅便伏候憲臺鴻裁批示准行

議覆通商

查得卑南覓社番請與內地一體貿易一案本道隨一面飭行臺邑照例著令保家官看給與口糧加意撫綏一面飭行鳳邑查明從前有無納課可否允與通商確議速覆去後茲據該府縣詳覆前來本道核查卑南覓社于康熙三十年歸入版圖報部征納載在誌書近年貿易輸餉并有瑯璫加六堂小琉球三社共征銀一百七十兩九錢二分二厘零因六十年變後奉前督憲滿禁止分定生熟番界限自六十一

年起前項餉稅不許催征歷經墊解在案又於雍正二年卑南各社曾赴府輸誠向化前道吳移會前鎮林委員前往招撫詳

題頒賞有案又于雍正三年為遵批議覆等事案內以瑯瑤地方開禁行縣議覆詳府未轉則是卑南各社均屬

王朝赤子通商輸課由來已久後因禁絕往來今復輸誠向化仰見

聖朝文德武功無遠弗届即海隅日出之地亦靡不傾心

悅服寧尚有黑齒雕題之輩甘自外于

聖世者耶且諸邑之崇爰社番蒙各憲准予通商事同一
轍似應俯如府縣所議邀請憲恩一體准予通商並
請照依崇爰之例飭令呈赴廳縣給照放行惟於出
入口之時嚴加查察不許夾帶違禁貨物自可永遠
行之而無弊

生番貿易

本道查崇爰四匏鸞等社番從前既經通商輸餉載
在誌書可攷今仍結舟遠來懇請照前貿易似應准
照前督憲議定顧船給照准其往來通商輸餉以廣
佈

聖朝柔遠德化但該船裝載貨物數目務須填註印照之
上于出入口時嚴加盤驗不許夾帶違禁之件并多
帶人數自無透越之弊矣茲准據議覆前由合就詳
請憲臺察奪批示飭遵

憲德淵深

竊搜羅廣額

聖世之人才振興邦補廩增海外之官墻蔚起茲有臺灣
府學并臺鳳諸彰四縣庠又彰化縣庠士子蒙憲臺
題請欽奉

恩旨臺屬廣中舉額一名彰化廩增各加補十名多士踴
躍歡欣喜青雲之有路觀光鼓舞感憲德之無涯爭
向海邊望轅叩謝連名僉懇額代詳陳所有各生感
激微忱本道不敢壅于憲聞

命懸呼吸

本道查臺灣地方浮沙之圉甚多凡硤瘠園地不堪
佈種五谷悉種落花生少為正供民食之計從前隨
收隨賣久已相安乃蔡德等以認餉為名將此項地
利所產設立牙行壟斷橫抽貧民終歲勤勞竟霸截
不許對賣西成而轉失望鄉農俯仰奚資本道訪聞
奸牙四路把持必欲歸行恣其朘削致摘取者未能
即售在土者旋經朽壞前經據傳宣等僉呈批府查
議未及詳草日來霸佔行市愈肆橫抽本道身在地

方日擊病民豈忍聽其藉一十八兩之餉滋害全臺
貧民况據民人傅宣等照數認餉具有連依在案可
見情切剥膚所有牙行以應革除以安海外民生至
於此項牙餉倘未經報部應否免其輸餉之處仍祈
貴司酌裁

散給靈丹

照得臺屬各縣秋冬以來時氣流行兵民多所傳染
本道甚深軫念因思督憲向頒靈丹效驗如神特飛
稟請發原方配合分散以資療治後蒙督憲懷保深
恩於本道稟摺未到之前即先發藥五千丸并祈禳
費銀五十兩委員賫發于十一月十九日由省起行
因准所請又將原方郵發現在選擇藥料虔誠修配
共成藥一萬丸聞各屬居民於前病猶未盡除而重
洋風信復難逆料謹將所合成藥先行散給調理除

經移送臺灣鎮一千安平協澎湖協北路協南路協
各五百丸又發海防廳淡防廳澎湖廳各一千丸臺
鳳諸彰四縣各一千丸外合行示諭為此示諭所屬
番民人等知悉爾等倘有染患前項病症應赴各該
廳縣請領丹藥速行療治憲發之銀藥俟差員到日
再行建醮分散本道仍念病症可隨時痊愈靈藥之
利濟無窮并將原方發縣俾以配合備而不用况督
憲德意感格

上穹疫氣消除有病之人斷無不立見痊可毋懷疑慮